



ORDENANZA FISCAL N° 8

ORDENANZA FISCAL REGULADORA DA TAXA POLA PRESTACIÓN DO SERVICIO DE RETIRADA DE VEHÍCULOS DA VÍA PÚBLICA E CUSTODIA DOS MESMOS

Artigo 1º.-Natureza da exacción

O Concello de Lalín, no uso das facultades que lle confire o número 1 do artigo 15 e o apartado b) do número 1 do artigo 20, en relación co artigo 58 da Lei 39/88, de 28 de decembro, Reguladora das Facendas Locais, e artigo 106 da Lei 7/85 de 2 de abril, Reguladora das Bases de Réxime Local, acorda establecer a taxa pola prestación do servizo "Retirada de Vehículos da Vía Pública e subseguinte custodia dos mesmos", rexéndose a súa exacción polo disposto na presente ordenanza fiscal.

Artigo 2º.-Fundamento

A exacción desta taxa fundaméntase na necesidade de conquistar a contraprestación económica que libere ó erario municipal do perxuício que lle irrogaría a prestación duns servizos provocados polos particulares, obstaculizando ou entorpecendo a libre circulación pola vía pública, estacionando ou aparcando con infracción das normas de circulación, ou abandonando os vehículos na vía pública.

Artigo 3º.-Feito imponible

1. O feito imponible está constituído pola prestación dos servizos municipais conducentes á retirada das vías urbanas daqueles vehículos aparcados en zonas non permitidas ou que perturben gravemente a circulación nas mesmas. O servizo é de recepción obrigatoria e prestaráse de oficio ou en virtude dunha denuncia particular.

2. Considerarase que un vehículo perturba gravemente a circulación cando se dea algún dos supostos que se determinan no artigo 71 do Real Decreto Lexislativo 339/90 de 2 de marzo, polo que se aproba o texto articulado da Lei sobre Tráfico, Circulación de Vehículos a Motor e Seguridade Vial, e nos artigos 91 e 94 do Real Decreto 13/92 de 17 de xaneiro, polo que se aproba o Regulamento Xeral de Circulación.

3. Non estarán suxeitos á taxa de retirada e custodia de vehículos aqueles que, estando debidamente estacionados sexan retirados por impedir e obstaculizar a realización dun servizo público de carácter urxente como extinción de incendios, salvamentos, etc..



Artigo 4º .-Devengo

A taxa devengarase, nacente a obriga de contribuir, coa iniciación da prestación do servizo. Entenderase iniciada a prestación do servizo, cando detectado o vehículo infractor, escomencen os labores para a súa recollida. Esta poderá ser suspendida no caso de que o condutor infractor satisfaga no mesmo momento o importe da taxa e movilece inmediatamente o vehículo indebidamente estacionado.

Artigo 5º .-Suxeitos Pasivos

Veñen obrigados ó pago desta taxa como suxeitos pasivos os propietarios dos vehículos, agás nos supostos de vehículos roubados, circunstancia que deberá acreditarse mediante a aportación da copia da denuncia presentada pola súa sustracción.

Responderán solidariamente das obrigas tributarias toda-las persoas físicas ou xurídicas que sexan causantes ou colaboren na realización dunha infracción tributaria, a que se refiren os artigos 38 e 39 da lei Xeral Tributaria, e de xeito particular, os condutores dos vehículos.

Artigo 6º .-Base Imponible

Constitúe a base imponible cada unidade de vehículo retirado ou custodiado polos servizos municipais.

Artigo 7º .-Cota Tributaria

1. A cota tributaria pola retirada de vehículos establécese en función da clase de vehículos, segundo o cadro seguinte:

A) Por retirada e transporte:

- Bicicletas, ciclomotores, motocicletas e vehículos análogos.....19,55 €
- Turismos e furgonetas cun peso máximo de carga de 2.500 kg.....51,45 €
- Vehículos cun peso máx. de carga super. a 2.500 kg. e ata 4.500 kg.....57,62 €
- Vehículos cun peso máx. de carga superior a 4.500 kg.....320,02 €
- Colectores ou obstáculos retirados con gindastre lixeiro.....57,62 €
- Colectores ou obstáculos retirados con gindastre de gran tonelaxe.....115,25 €

B) Por depósito e custodia, transcorridas 4 horas dende a retirada, por cada día ou fracción :

- Bicicletas, ciclomotores, motocicletas e vehículos análogos.....5,15 €



-Turismos e furgonetas cun peso máximo de carga de 2.500 kg.....	19,55 €
-Vehículos cun peso máx.de carga super.a 2.500 kg. e ata 4.500 kg.....	28,81 €
-Vehículos cun peso máx. de carga superior a 4.500 kg.....	45,28 €
-Colectores ou obstáculos	16,46 €

C) Por desprazamento e enganche sen retirada do vehículo:

-Bicicletas, ciclomotores, motocicletas e vehículos análogos.....	10,29 €
-Turismos e furgonetas cun peso máximo de carga de 2.500 kg.....	25,73 €
-Vehículos cun peso máx. de carga super a 2.500 kg. e ata 4.500 kg.....	28,81 €
-Vehículos cun peso máx. de carga superior a 4.500 kg.....	160,52 €
-Colectores ou obstáculos retirados con gindastre lixeiro	28,81 €
-Colectores ou obstáculos retirados con gindastre de gran tonelaxe.....	57,62 €

D) Por desprazamento de vehículos debidamente estacionados (obras públicas, procesións, desfiles e demais actos públicos) :

-Bicicletas, ciclomotores, motocicletas e vehículos análogos.....	2,06 €
-Turismos e furgonetas cun peso máximo de carga de 2.500 kg.....	5,15 €
-Vehículos cun peso máx. de carga super. a 2.500 kg. e ata 4.500 kg.....	6,17 €
-Vehículos cun peso máx. de carga superior a 4.500 kg.....	32,93 €
-Colectores ou obstáculos retirados con gindastre lixeiro	6,17 €
-Colectores ou obstáculos retirados con gindastre de gran tonelaxe.....	12,35 €

Artigo 8º .-Normas de Xestión

1. As taxas devengadas conforme ó artigo anterior deberán facerse efectivas nos correspondentes servicios recadatorios municipais, que expedirán os oportunos recibos ou efectos timbrados xustificativos do pago.

2. Non se fará efectiva devolución do vehículo algún que fora retirado polos servicios municipais, namentras non se acredite debidamente o pago das taxas devengadas. O pago desta taxa non excluírá o das multas ou sancións que foran procedentes por infracción das normas de circulación.

3. O Concello poderá celebrar convenios con empresas de transporte de vehículos e cos titulares de garaxes no municipio, para a prestación do servicio de retirada e custodia de vehículos nas vías urbanas.



Artigo 9º .-Venta de vehículos non retirados polos seus propietarios

1. O Concello procederá a venda en pública subasta dos vehículos que teña depositados nos recintos ou locais establecidos ó efecto, cando, unha vez notificado formalmente ós seus titulares a circunstancia da súa retirada e depósito, transcorra máis dun mes sen que estas insten a restitución do seu vehículo.
2. O produto da venda en pública subasta dos vehículos aplicarase ó pago dos gastos, quedando o sobranse a disposición do titular do vehículo durante o prazo de dous anos. Transcorrido este prazo, adxudicarase ó Concello.

DISPOSICION FINAL

A presente modificación (art. 7), unha vez aprobada definitivamente polo Pleno da Corporación, entrará en vigor e será aplicable ó día seguinte da súa publicación no Boletín Oficial da Provincia, permanecendo en vigor ata a súa modificación ou derogación expresa.